

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 222064 22 St
Zenica, 21.11.2024. godine

Općinski sud u Zenici, stečajni sudija Amela Sinanović, u stečajnom postupku nad imovinom stečajnog dužnika Proizvodno prometno privredno društvo „SOJKIĆ“ d.o.o. Zavidovići, ul. Krivajska bb, Zavidovići, nakon održanog ročišta za utvrđivanje uvjeta za otvaranje stečajnog postupka održanog dana 21.11.2024. godine u prisustvu likvidatora Karahasanović Samira, advokata iz Zavidovića, punomoćnika povjerioca Porezna uprava FBiH – Kantonalni porezni ured Zenica, Avdić Muhameda zaposlenika, i punomoćnika povjerioca Federalni zavod za PIO/MIO, Kantonalna administrativna služba Zenica, Tuka Zlate, zaposlenika, dana 21.11.2024. godine, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva uplate predujem za obezbjeđenje troškova stečajnog postupka u iznosu od 5.000,00 KM, na depozitni račun ovoga suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne uplate predujem sud će po prijedlogu privremenog stečajnog upravnika zaključiti stečajni postupak nad subjektom Proizvodno prometno privredno društvo „SOJKIĆ“ d.o.o. Zavidovići, ul. Krivajska bb, matični broj subjekta upisa 1-6089, te naložiti brisanje ovog društva iz sudskog registra.

O b r a z l o ž e n j e

Predlagač Proizvodno prometno privredno društvo „SOJKIĆ“ d.o.o. Zavidovići je ovom sudu podnio prijedlog za otvaranje likvidacionog postupka.

Na ročištu za utvrđivanje uvjeta za zaključenje likvidacionog postupka održanom dana 30.08.2022. godine, likvidator je podnio prijedlog za otvaranje stečajnog postupka u skladu sa odredbom čl. 9. stav 2. Zakona o likvidacionom postupku nad pravnim licem Proizvodno prometno privredno društvo „SOJKIĆ“ d.o.o. Zavidovići budući da je utvrđeno da društvo ima neizmirene obaveze, a da nema imovine iz koje bi se iste mogle izmiriti.

Likvidator Karahasanović Samir je na održanim ročištima za utvrđivanje uvjeta za otvaranje stečajnog postupka izjavio da je u toku postupka utvrđeno da dužnik ima neizmirene obaveze koje su prijavljene od strane povjerilaca i to: DD BH Telecom, Direkcija Zenica u iznosu od 1.200,65 KM, BiH, FBiH, Federalno ministarstvo finansija, Porezna uprava FBiH, Kantonalni porezni ured Zenica u iznosu od 1.326.949,86 KM, Federalni zavod za PIO/MIO Mostar, Kantonalna administrativna služba Zenica u iznosu od 1.369,00 KM i JKP „RADNIK“ d.o.o. Zavidovići u iznosu od 10.003,30 KM, da iste priznaje. Navodi da je u toku postupka utvrđeno da dužnik ne posjeduje bilo kakvu imovinu iz koje bi se mogli namiriti povjerioci, kako pokretnu tako i nepokretnu, da je transakcijski račun dužnika blokirana, te da na istom nema nikakvih sredstava, da društvo ne posjeduje bilo kakva gotovinska sredstva u blagajni iz kojih bi se mogli namiriti

povjerioci, a navedeno proističe iz Uvjerenja Službe za upravu geodetskih, imovinsko-pravnih poslova i urbanizma broj: 06/6-30-533/22-2 od 02.02.2022. godine, Uvjerenja Općinskog suda u Zavidovićima ZK ured broj 042-0-Rz-22-000028 od 31.01.2022. godine, Potvrde o statusu računa izdata od strane ADA Banke broj 194-04/21 od 06.04.2021. godine, Izjave Sojkić Esada iz Zavidovića od 25.04.2022. godine ovjerena od strane notara Senada Hasanića iz Zavidovića pod brojem OPU-OV2781 od 01.07.2022. godine. Dalje navodi, da je u toku postupka utvrđeno uvidom u Uvjerenja-Odgovor MUP-a, Odsjek za administraciju Zavidovići 08-01-02/6-03-7-7-325-1/22 od 02.02.2022. godine, Odgovor na zahtjev MUP-a, Odsjek za administraciju Zavidovići 08-01-02/6-03-7-7-1192-1/22 od 27.04.2022. godine, da se na društvu vode vozila Marke DAIMLER-benz, tip 1622 reg. 164M899, godina proizvodnje 1983., registarske tablice nisu vraćene, Marke Mitsubishi, tip L 200, registarska oznaka 645J338, godina proizvodnje 1994. godina, registarske tablice vraćene 21.02.2007. godine i Marke FAP, tip 1314K, registarske tablice 797T592, godina proizvodnje 1983. godina, reg. tablice vraćene 19.01.2005. godine, koja su po izjavi osnivača društva otuđena, odnosno da su ista bila u havarisanom stanju i neupotrebljiva, da ih je još prije 2005. godine osnivač prodao na otpad u staro željezo, te da navedena vozila unazad preko 10 godina nisu u posjedu stečajnog dužnika, a u vezi čega je osnivač dao i izjavu pred sudom na ročištu održanom dana 10.03.2023.godine. Osnivač društva je izjavio da nije bio upoznat sa zabranom otuđenja upisanom u korist Porezna uprava FBiH, Kantonalni porezni ured Zenica, da je za istu saznao tek u toku likvidacionog postupka, a da je tokom 2005. ili 2006.godine morao napustiti zakupljeni prostor u kojem je društvo obavljalo djelatnost, te da je havarisana vozila dao društvu koje se bavi otpadom da ih izvezu iz kruga, tako da društvo ne posjeduje vozila koja se navode u potvrdi MUP-a.

Likvidator je dalje istakao da ga je osnivač upoznao sa lošom ekonomskom situacijom, a da osnivač bez obzira na datu saglasnost od strane povjerioca Porezna uprava FBiH, Kantonalni porezni ured Zenica da izmiri dio sredstava koja su naplaćena od prodaje navedenih vozila, do sada nije uplatio navedena sredstva iako mu je u više navrata ostavljan rok, te da trenutno nije u mogućnosti izmiriti obaveze a također nije siguran kada i da li bi iste mogao izmiriti, pa shodno tome likvidator ističe da ne postoji opravdanost za ostavljanjem dodatnih rokova za izmirenje obaveza. Likvidator je predložio da budući da ne postoji stečajna masa iz koje bi se namirivali troškovi stečaja likvidator, zainteresovano lice i povjerioci predujme iznos od 5.000,00 KM za troškove stečajnog postupka i na taj način bi se stekli razlozi za otvaranje stečajnog postupka, a u protivnom ako ne postupe predlaže da sud otvori i zaključi stečajni postupak.

Kako stečajni dužnik ima obaveze, a nema dovoljno imovine, pa ni za troškove stečajnog postupka, to je sud primjenom odredbe člana 102 st. 7 i 8. Zakona o stečaju („Službene novine F BiH”, broj: 53/21) pozvao povjerioce i zainteresirana lica da uplate predujam za obezbijedenje troškova stečajnog postupka. Visina troškova srazmjerno je određena troškovima stečajnog postupka koji su od strane likvidatora procijenjeni na iznos od 5.000,00 KM.

Slijedom navedenog odlučeno je kao u izreci ovog rješenja primjenom odredbe člana 196. st. 3 Zakona o stečaju, a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda.

POUKA O PRAVNOM LIJEKU:
Protiv ovog rješenja nije
dozvoljena žalba.

STEČAJNI SUDIJA
Amela Sinanović, s.r.

